

**Bosna i Hercegovina**  
**-Federacija Bosne i Hercegovine-**  
**TUZLANSKI KANTON**

**Skupština**  
**-Služba Skupštine-**

**Broj: 02-14-427-14/19**

**Datum: 15.11.2019. godine**

Na osnovu člana 70. st. (1) i (3) i člana 89. stav (1) Zakona o javnim nabavkama ("Službeni glasnik Bosne i Hercegovine", broj: 39/14), i preporuke Komisije za provođenje konkurentskog postupka javne nabavke usluga – pripreme, grafičke obrade i štampanja Monografije Skupštine Tuzlanskog kantona za period 2005.-2019. godina date u Zapisniku o ocjeni ponuda broj: 02-14-427-13/19 od 14.11.2019. godine, Sekretar Skupštine Tuzlanskog kantona d o n o s i

## **ODLUKU**

### **o rezultatima izbora najpovoljnijeg ponuđača**

#### I.

Prihvata se preporuka Komisije za provođenje konkurentskog postupka javne nabavke usluga – pripreme, grafičke obrade i štampanja Monografije Skupštine Tuzlanskog kantona za period 2005.-2019. godina data u Zapisniku o ocjeni ponuda broj: 02-14-427-13/19 od 14.11.2019. godine i ugovor će se zaključiti sa ponuđačem "OFF-SET" d.o.o. Tuzla koji je dostavio tehnički zadovoljavajuću ponudu broj: 1633-2/19 od 5.11.2019. godine, zaprimljenu pod brojem 02-14-427-7/19 od 11.11.2019. godine, sa konačnom cijenom od 6.500,00 KM bez PDV-a jer je ista najniža nakon provedene e-aukcije.

#### II.

Ugovor o javnoj nabavci dostavit će se na potpis izabranom ponuđaču "OFF-SET" d.o.o. Tuzla po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokumente zahtijevane tenderskom dokumentacijom iz člana 45. i 47. u roku od 5 dana od dana prijema ove odluke.

U slučaju da izabrani ponuđač u određenom roku propusti dostaviti tražene dokumente, Služba Skupštine Tuzlanskog kantona će ugovor ponuditi drugorangiranom ponuđaču "PLANJAX KOMERC" d.o.o. Tešanj.

#### III.

Ova odluka stupa na snagu danom donošenja i objavit će se na internet stranici Skupštine Tuzlanskog kantona i dostaviti ponuđačima koji su učestvovali u postupku javne nabavke.

#### IV.

Sastavni dio ove odluke je Zapisnik o ocjeni ponuda broj: 02-14-427-13/19 od 14.11.2019. godine.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-14-427-1/19 od 30.10.2019. godine, putem konkurentskog postupka javne nabavke a procijenjena vrijednost javne nabavke je 15.385,00 KM bez PDV-a.

Obavještenje o nabavci broj: 1062-7-2-27-3-23/19 od 30.10.2019. godine u 12:01 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Kriteriji za dodjelu ugovora, shodno odredbama člana 64. Zakona o javnim nabavkama je najniža cijena tehnički zadovoljavajuće ponude.

Za predmetnu nabavku, tekst tenderske dokumentacije Konkurentskog zahjeva ponuđači su mogli preuzeti samo putem Portala javnih nabavki. Ugovorni organ je u skladu sa članom 88. stav (1) Zakona o javnim nabavkama, uputio poziv za preuzimanje tenderske dokumentacije sa Portala javnih nabavki na adrese 3 ponuđača.

Zahjeva za pojašnjenje tenderske dokumentacije u predmetnom postupku javne nabavke nije bilo.

Komisija za provođenje predmetnog postupka javne nabavke imenovana Rješenjem broj: 02-14-427-6/19 od 31.10.2019. godine (u daljem tekstu: Komisija), je dana 11.11.2019. godine u 10,30 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, u kojem je konstatovala da su u predmetnom postupku blagovremeno zaprimljene dvije ponude. Na javnom otvaranju ponuda nije bilo predstavnika ponuđača.

Nakon otvaranja ponuda Komisija je izvršila pregled i ocjenu prispjelih ponuda, te sačinila Zapisnik o ocjeni ponuda broj: 02-14-427-13/19 od 14.11.2019. godine, koji je sastavni dio ove odluke i u kome je konstatovano sljedeće:

*U navedenom postuku javne nabavke prispjele su dvije ponude i to od ponuđača*

- 1. "OFF-SET" d.o.o. Tuzla i*
- 2. "PLANJAX KOMERC" d.o.o. Tešanj.*

*Ukupna cijena ponude ponuđača "OFF-SET" d.o.o. Tuzla je 11.00,00 KM bez PDV-a, a ukupna cijena ponude ponuđača "PLANJAX KOMERC" d.o.o. Tešanj je 15.000,00 KM bez PDV-a.*

*Detaljnijom analizom prispjelih ponuda Komisija je konstatovala da ponude i "OFF-SET" d.o.o. Tuzla i "PLANJAX KOMERC" d.o.o. Tešanj zadovoljavaju sve selekzione kriterije uspostavljene u tenderskoj dokumentaciji.*

*Oba ponuđača u ponudi su dostavili i potvrde Vanjskotrgovinske komore BiH kojom se potvrđuje da "Usluge pripreme, grafičke obrade i štampanja Monografije Skupštine Tuzlanskog kantona 2005.-2019. godina" zadovoljavaju uvjete za izdavanje certifikata o bh porijeklu, te u vezi sa navedenim potvrdama na obje ponude će se u skladu sa Odlukom o obaveznom korištenju preferencijalnog tretmana domaćeg u postupku javnih nabavki ("Službeni glasnik BiH" broj: 83/16), vršiti umanjenje cijene ponude u visini od 5%.*

*Obzirom da je za navedeni postupak javne nabavke predviđena i e-aukcija, Komisija je dana 11.11.2019. godine na portalu javnih nabavki zakazala e-aukciju i ista je bila zakazana 13.11.2019. godine sa početkom u 13:15 u trajanju od 15 minuta.*

*Komisija je nakon ponovne analize pristiglih ponuda utvrdila da je cijena ponude ponuđača "OFF-SET" d.o.o. Tuzla za više od 20% niža u odnosu na cijenu ponude ponuđača "PLANJAX KOMERC" d.o.o. Tešanj, te je Komisija 12.11.2019. godine otkazala zakazanu e-aukciju do pribavljanja obrazloženja cijene od ponuđača "OFF-SET" d.o.o. Tuzla u skladu sa članom 66. Zakona o javnim nabavkama ("Službeni glasnik Bosne i Hercegovine" broj: 39/14).*



Ponudač "OFF-SET" d.o.o. Tuzla je odmah dana 12.11.2019. godine dostavio obrazloženje svoje cijene ponude u kojem je navedeno da veliku pažnju posvećuju izradi kalkulacija prateći tržišne vrijednosti repromaterijala i usluga, jer je to i najvažniji pokazatelj stalnog rasta i razvoja, te da dostavljena ponuda odgovara tržišnim cijenama i da za istu nema nikakve smetnje da se izradi Monografija po traženim specifikacijama.

Komisija je dostavljeno obrazloženje za cijenu ponude prihvatila te je ponovo pristupila zakazivanju e-aukcije, koja je na portal javnih nabavki zakazana dana 12.11.2019. godine u 12:29:21, i ista je održana dana 14.11.2019. godine u trajanju od 13:00 do 13:27 sati.

Komisija je Izvještaj o toku i završetku e-aukcije sa portala javnih nabavki isprintala 14.11.2019. godine koji je sastavni dio ovog zapisnika i iz istog je vidljivo da je prvorangirani ponudač "OFF-SET" d.o.o. Tuzla sa konačnom cijenom od 6.500,00 KM, a da je drugorangirani ponudač "PLANJAX KOMERC" d.o.o. Tešanj sa konačnom cijenom od 6.700,00 KM.

Komisija na osnovu svega naprijed navedenog preporučuje da se u ovom postupku javne nabavke - ugovor zaključi sa ponudačem "OFF-SET" d.o.o. Tuzla, jer kako je naprijed navedeno cijena njegove ponude je najniža.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije, a izbor najpovoljnijeg ponuđača je izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno gore navedenom odlučeno je kao u dispozitivu ove odluke.

#### POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:  
1x Ponuđačima  
1x a/a



Sekretar  
Skupštine Tuzlanskog kantona  
*Enisa Hasanagić*  
Enisa Hasanagić